

Ақийда дарслари (217-дарс) Қиёматнинг катта аломатлари



АҚИЙДА
217-ДАРС

ШАЙХ МУҲАММАД СОДИҚ МУҲАММАД ЮСУФ РОҲИМАҲУЛЛОҲНИНГ
«АҚОИД ИЛМИ ВА УНГА БОҒЛИҚ МАСАЛАЛАР» ВА «СУННИЙ АҚИДАЛАР»
КИТОБЛАРИ АСОСИДА БЕРИБ БОРИЛАДИ.
МАВЗУЛАРНИНГ ТЎЛИҚ МАТНИ БИЛАН ТАНИШИШ УЧУН
КИТОБНИНГ ЎЗИГА МУРОЖААТ ЭТИШ ТАВСИЯ ЭТИЛАДИ.

19:00 / 28.02.2023 3128

Қиёматдан олдин зоҳир бўладиган аломатлар ҳақида кўплаб ҳадиси шарифлар келган. Улардан кўпи «Ҳадис ва Ҳаёт» китобининг «Фитналар ва қиёмат аломатлари китоби» деб аталган жузида батафсил ўрганилган.

هُلِّلَا يَضَرُّ رَافِعًا لَآءِ فِي دُحْنِ
يَلَّصُّ يَبْنَلَا عَاطَا: لَاقُ هُنَّ
نُحْنَوَانِي لَعَمَّ لَسَوِ هَيْلَعُ هَلَلَا
«؟ نَوْرُكُذَّتْ أَمْ» : لَاقُ فُ رُكُأَذَّتَنْ
أَهْنَا» : لَاقُ ، عَاسَلَا رُكُذَّن : أَوْلَاقُ
رُشَعُ أَهْلُبَقُ أَوْرَتِ يَّتَحَمُ وَقَتَنْ
، لَاجُّ دَلَاو ، نَاخُّ دَلَا رُكُذَّف . «تَايَا

نَمِ سَمَّ شَلَا عُولُ طَو ، ءَبَّ اِدَلَاو
 مَمِّي رَمَنْ بَا يَسِي عَالُ وُزْنَو ، اِهْبِرْ عَم
 ءَثَالَتَو ، جُوجْ اَمَّو جُوجْ اَيَو ،
 قِرْشَمْلَابُ فُسَخُ ؛ فُوسُخُ
 فُسَخُو ، بِرْغَمْلَابُ فُسَخُو
 رَانَ كَلْ ذُرْخَاو ، بَرْعَلَا ءَرِي زَجَب
 سَانَلَا دُرْطَاتِ نَمِّي لَانَمُ جُرْخَاتِ
 مَلْسُمُ ءَاوَرُ . مَهْرَشْحَمُ يَلَا
 دُوَادُ وُبَاوُ يَزِمَّرْتَلَاو

Хузайфа ал-Ғифорий розияллоху анҳудан ривоят қилинади:

«Гаплашиб ўтирган эдик, Набий соллаллоху алайҳи васаллам олдимизга чиқиб келдилар-да:

«Нимани гаплашмоқдасизлар?» дедилар.

«Қиёматни гаплашмоқдамиз», дейишди.

«У ундан олдинги ўнта аломатни кўрмагунингизча қоим бўлмас», дедилар ва тутунни, Дажжолни, доббани, қуёшнинг мағрибдан чиқишини, Ийсо ибн Марям алайҳиссаломнинг нозил бўлишларини, Яъжуж-Маъжужни, учта ер ютишни: машриқдаги ер ютишни, мағрибдаги ер ютишни ва араб жазирасидаги ер ютишни ва охири Ямандан чиқиб, одамларни маҳшарга қувлайдиган оловни зикр қилдилар».

Муслим, Термизий ва Абу Довуд ривоят қилганлар.

Бу ҳадиси шарифда қиёматнинг катта аломатларидан бир нечтаси ҳақида сўз бормоқда:

Тутун. Қиёматдан олдин бир тутун зоҳир бўлади. У кофирларнинг нафасини олади ва мўминлар учун тумовдек бўлади. Ўша тутун ер юзида қирқ кун туради.

Дажжол.

Добба.

Қуёшнинг мағрибдан чиқиши.

Ийсо ибн Марям алайҳиссаломнинг нозил бўлишлари.

Яъжуж-Маъжуж.

Учта ер ютиши: машриқдаги ер ютиш, мағрибдаги ер ютиш ва араб жазирасидаги ер ютиш.

Ямандан чиқиб, одамларни маҳшарга қувлайдиган олов. Бошқа ривоятларда бу ўт-олов Адан шаҳри қаъридан чиқиши ҳақида айтилган.

Бунга ўхшаш аломатлар анчагина бўлиб, улардан баъзилари воқеъликда пайдо бўлгандир. Қолганлари аста-секин пайдо бўлиб бораверади.

«Сунний ақийдалар» китоби асосида тайёрланди